

# 佛說摩利支天經

唐三藏沙門大廣智不空奉 詔譯



南無本師釋迦牟尼佛

## 說明

本繁體校正版《佛說摩利支天經》電子書，根據《乾隆大藏經》宋元入藏諸大小乘經，第 0841 部，唐三藏沙門大廣智不空奉詔譯《佛說摩利支天經》影印本校正，句讀僅供參考。

本電子書是免費結緣品，特此說明。

仁慧草堂

二〇一九年二月



掃碼關注仁慧草堂微信公眾號

## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

### 淨口業真言

(三編)

唵. 修唎. 修唎. 摩訶修唎. 修修唎. 薩婆訶.

### 淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

### 安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

### 普供養真言

(三編)

唵. 誚誚曩. 三婆嚩. 禳日囉斛.

南無本師釋迦牟尼佛（合掌三稱）

開經偈

（一編）

無上甚深微妙法 百千萬劫難遭遇  
我今見聞得受持 願解如來真實義

# 佛說摩利支天經

唐三藏沙門大廣智不空奉 詔譯

如是我聞：

一時，薄伽梵在室羅筏城逝多林給孤獨園。

爾時，世尊告諸苾芻：“有天女名摩利支，有大神通自在之力，常行日月天前，日天、月天不能見彼，彼能見日。無人能見，無人能知，無人能捉，無人能縛，無人能害，無人能欺誑，無人能債其財物，無人能責罰，不爲怨家能得其便。”

佛告諸苾芻：“若有知彼摩利支天名，常憶念者，彼人亦不可見，亦不可知，亦不可捉，亦不可縛，亦不可害，亦不可欺誑，亦不爲人債其財物，亦不爲人之所責罰，亦不爲怨家能得其便。若有善男子、善女人，知彼摩利支天名，求加護者，應作是言：‘我某甲知摩利支天母有大神力，我今歸命，願護我身，無人能見我，無人能知我，無人能捉我，無人能縛我，無人能害我，無人能欺誑我，無人能債我財物，無人能責罰我，亦不爲怨家能得其便。’”

爾時，世尊說陀羅尼曰：

曩謨<sup>引</sup>囉怛曩<sup>二合</sup>怛囉<sup>二合</sup>夜野<sup>一</sup>怛你也<sup>二合</sup>他<sup>去聲</sup>遏迦<sup>引</sup>  
 麼臬<sup>鼻聲</sup>沫迦麼臬<sup>四</sup>阿<sup>上聲</sup>度<sup>引</sup>麼臬<sup>五</sup>紫<sup>精以</sup>鉢囉麼臬<sup>六</sup>  
 摩訶紫鉢囉麼臬<sup>七</sup>頰怛馱<sup>引</sup>曩麼臬<sup>八</sup>麼<sup>鼻聲</sup>哩<sup>引</sup>紫野  
 麼臬<sup>九</sup>曩謨<sup>引</sup>娑覩<sup>二合</sup>帝<sup>十</sup>囉<sup>轉舌</sup>乞灑<sup>二合</sup>囉乞灑<sup>二合</sup>唎<sup>引</sup>十<sup>一</sup>薩嚩  
 薩怛嚩<sup>二合</sup>難<sup>上聲</sup>左<sup>十二</sup>薩嚩怛囉<sup>二合</sup>十三<sup>一</sup>薩嚩婆<sup>去聲</sup>喻<sup>引</sup>鉢捺囉<sup>二合</sup>  
 吠<sup>引</sup>毘藥<sup>二合</sup>娑嚩<sup>二合</sup>賀<sup>引</sup>十四<sup>一</sup>

心真言曰：

娜莫三<sup>去聲</sup>滿多沒馱<sup>引</sup>南<sup>一</sup>唵<sup>引</sup>摩<sup>鼻聲</sup>哩<sup>引</sup>唧<sup>引</sup>娑嚩<sup>二合</sup>  
 賀<sup>引</sup>三<sup>一</sup>

爾時，世尊說此陀羅尼已，告諸苾芻：“若有受持此經法者，應作是願：‘王難中護我，賊難中護我，行路難中護我，於失道曠野中護我，水火難中護我，刀兵軍陣難中護我，鬼神難中護我，毒藥難中護我，惡獸難中護我，毒蟲難中護我，一切怨家惡人難中護我，佛實語護我，法實語護我，僧實語護我，天實語護我，仙人實語護我，一切處、一切時願常護我弟子某甲 莎嚩<sup>二合</sup>賀<sup>引</sup>’”

佛告諸苾芻：“若善男子、善女人、苾芻、苾芻尼、鄔波索迦、鄔波斯迦、國王、大臣、一切人等，有諸難時，但當至心誦此摩利支陀羅尼，不待加功，隨誦隨成，遠離諸難，除不至心。持

誦之時，并結本印，以香塗手，先結三部心印，  
二手內相叉爲拳，並豎二大拇指，是一切如來心  
印。真言曰：

唵<sub>一</sub>爾<sub>惹以切</sub>曩爾迦<sub>半音二</sub>

次結蓮部心印。即前印以左大拇指屈入掌，  
直豎右大拇指。真言曰：

唵<sub>一</sub>阿<sub>去聲引</sub>嚕<sub>引</sub>力迦<sub>半音二</sub>

次結金剛部心印。即前印以右大拇指屈入掌，  
直豎左大拇指。真言曰：

唵<sub>一</sub>嚩日囉<sub>二合</sub>地力<sub>二合</sub>迦<sub>半音二</sub>

次結護身如來拳印。以右手屈大拇指橫於掌  
中，便以四指握大拇指爲拳，以此拳印加持自身  
五處，先額、右肩、左肩、心、喉，每處各誦真  
言一徧。真言曰：

唵<sub>一</sub>僕<sub>引</sub>入嚩<sub>二合</sub>羅吽<sub>引二</sub>

次結摩利支菩薩根本印。二小指、二無名指  
右押左內相叉，直豎二頭指相捻，以二中指各繳  
頭指背，向前頭相拄，二大指並豎即成，結印當  
心誦前摩利支身陀羅尼及心各七徧，每徧屈二大  
拇指招之，亦名迎請印，兼以此印加持身五處，  
頂上散印。

次結大三昧耶印，辟除結界。以右手大指捻

小指甲上，餘三指直豎如三股杵形，左手作金剛拳按於心上，隨誦真言，以右手印於頂上，左轉三帀，辟除一切作障難者，便右旋三帀，并揮上下，即成結十方界，一切天、龍、人、非人等不能附近。真言曰：

唵<sup>引</sup>商<sup>二</sup>迦<sup>輕</sup>嚩<sup>舌</sup>摩訶<sup>引</sup>三<sup>去</sup>麼<sup>鼻</sup>唵<sup>聲</sup>娑嚩賀

次結摩利支安怛袒那印<sup>此言隱形</sup>。以左手虛掌作拳，大指微捻頭指甲如環，已下三指握拳令密。又令掌中作孔，安自心前，想自身入此印孔中藏；以右手平掌，右旋摩此印，便蓋孔上，想此印即是摩利支天菩薩身，我自身隱藏於摩利支天菩薩心中，一心專注不間斷，誦前根本及心真言，不限徧數，但虔誠至心，必獲菩薩威神加護，一切怨家、惡人悉不能見，一切災難皆得解脫。若欲供養摩利支菩薩者，應用金、或銀、或赤銅、或白檀香木、或紫檀木等，刻作摩利支菩薩像如天女形，可長半寸、或一寸、二寸已下，於蓮花上，或立或坐，頭冠瓔珞，種種莊嚴，極令端正。左手把天扇，其扇如維摩詰前天女扇；右手垂下，揚掌向外，展五指作與願勢。有二天女各執白拂，侍立左右。作此像成，戴於頂上，或戴臂上，或置衣中，以菩薩威神之力，不逢災難，於怨家處

決定得勝，鬼神、惡人無得便。若欲成驗願見摩利支天真身，求勝願者誦此陀羅尼滿十萬徧，依法建立曼荼羅，畫摩利支菩薩像，安置壇中，種種供養，并作護摩火壇，摩利支天女必現其身，所求勝願決定成就，除不至心。

佛告諸苾芻：“我爲當來惡世苦難恐怖有情，略說摩利支天法，此菩薩有大悲願，常於苦難恐怖之處，護諸有情，不令天、龍、鬼、神、人及非人、怨家、惡獸所能爲害。汝當受持，廣宣流布，饒益有情。”

諸苾芻等及天龍八部一切大衆，聞佛所說，皆大歡喜，信受奉行。

佛說摩利支天經

## ● 結誦儀

### 補闕真言

(三編)

南無喝囉怛那. 哆囉夜耶. 佉囉佉囉. 俱住俱住.  
摩囉摩囉. 虎囉. 吽. 賀賀. 蘇怛那. 吽. 潑抹拏. 娑  
婆訶.

### 補闕圓滿真言

(三編)

唵. 呼嚧呼嚧. 社曳穆契. 莎訶

### 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉  
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀自在菩薩摩訶薩 (合掌三稱)

南無護法諸天菩薩 (合掌三稱)

## 禮佛發願文

(一編)

歸命十方調御師 演揚清淨微妙法  
三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

## 迴向偈

(一編)

願以此功德	莊嚴佛淨土
上報四重恩	下濟三途苦
若有見聞者	悉發菩提心
盡此一報身	同生極樂國

## 三皈依

(一編)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪

南无护法韦驮尊天菩萨

